

258 phys.  
DISSERTATIO PHYSICA

DE

**TERRÆ MOTVVM CAVSSIS**

QVAM  
SVB AVSPICIIS DIVINIS  
RECTORE  
VNIVERSITATIS EBERHARDINO CAROLINÆ  
MAGNIFICENTISSIMO  
SERENISSIMO ATQVE POTENTISSIMO DOMINO.  
DOMINO

**C A R O L O**DVCE WIRTEMBERGIÆ ET TECCIÆ REGNANTE  
REL. REL.

PRÆSIDE  
VIRO EXCELLENTISSIMO ATQVE DOCTISSIMO  
DOMINO

**IOHANNE KIES**

VNIVERSITATIS ET COLLEGII ILLVSTRIS PROF. PHYSICES  
ET MATHESEOS PVBL. ORDINARIO,  
REGIÆ SCIENTIARVM ACADEMIÆ BORVSSICÆ MEMBRO,  
PATRONO AC PRÆCEPTORE SVO PIE DEVENERANDO

DIE XVIII. SEPT. MDCCCLXXIII.

AD CONSEQUENDOS LEGITIME MAGIST. PHILOS.  
HONORES

PVBLICE DEFENDET

AVCTOR

**AVGVSTVS CHRISTIANVS REVSS,**  
HOLSATO - RENDSBVRGENSIS,  
MAG. PHIL. CAND.

TVBINGÆ, LITTERIS FVESIANIS.

LIBRARY OF THE UNIVERSITY OF TORONTO LIBRARIES





## PRÆFATIO.

**T**anta est nostris his temporibus *Terræ motuum*, in publicis quoque ephemeridibus commemoratorum frequentia, ut causas rei admirabilis penitus perspicendi singularis quædam me incesserit cupiditas. Inter alia itaque scripta incidi quoque in elegantissimas Cel. *Unzeri* de terræ motibus differentes litteras 1). Perlegi eas maxima cum animi voluptate. Intellexi facile, argumentum gravissimum & eleganter & solide esse pertractatum. Solicitus tamen omnia, quoad poteram, expendenti, in mentem venerunt nonnulla, quæ a viro eruditissimo non satis explicata videbantur. Meditationes illas qualescunque, quas in charta concepi, ut publicæ etiam luci exponere nunc audeam, spes illa facit, qua fretus confido, lectores ita mihi benevolos fore, ut rudimentum hoc qualemque æqui bonique consulant.

---

### § 1.

**O**b maximam, quæ in terræ concussionibus observatur, diversitatem, haud facile fieri potest, ut, quod omnibus commune est, verbis distinctam & completam notionem exhibentibus exprimatur. Tres vero in-

A 2

pri-

1) Joh. Aug. Unzers Sammlung kleiner phys. Schriften. 2. B.

primis deprehenduntur modi, in quos omnes terræ concussions resolvi posse videntur. In *Inclinatione* nimirum tellus tantum lente vel intumescit vel collabitur, ita ut teſta, montes, arbores, &c. ad latus quoddam inclinent. Plerumque vero subsilit, uti a cuniculis leviter onustis; unde a multis terræ *pulsus* vocatur. *Tremorem* vero telluris appellant, ubi terra vel gravissime percuditur, ad modum testudinis excavatae, vehementi vi percussæ; vel ipsa finditur, & una cum universis urbibus aut tractibus, permulti ſæpe incolarum vivi in teterima gremio telluris inclusa ruunt sepulcra. *Seneca* præclare præcipuas in terræ motibus occurrentes rationes describens, ita inquit: 2) „Terra modo tremit, modo luxata ſubſidet, nunc in partes divisa diſcedit; „& alias intervallum ruinæ ſuæ diu ſervat, alias cito comprimit: nunc amnes „magnitudine notos convertit introrsus; nunc novos exprimit: aperit aliquando aquarum calentium venas, aliquando refrigerat; ignesque nonnunquam „per aliquod ignotum antea montis aut rupis foramen emittit, aliquando notos & per ſecula nobiles comprimit. Mille miracula movet, faciemque numerat locis, & defert montes, ſubrigit plana, valles extuberat, novas in profundo insulas erigit.„

## § 2.

Quem non percellat horror, tristissima iſtius generis audientem fata; regiones, insulas in profundum ſubmersas, montes vallibus æquatos, alias que stupendas terræ catastrophas! Hoc vero loco multa ejusmodi recensere exempla, nimis a re noſtra alienum foret, cum & collecta jam ſint a Scriptorum compluribus; v. c. *Josepho Acosta* 3), *Kircher* 4), *Zahnio* 5), *Frezier* 6), *Keyſlero* 7), *Büffonio* 8), *Unzero* 9), &c. Non igitur niſi rariora quædam & hujuſmodi tantum exempla allegabimus, quæ præſentis argumenti nostri tractationi inſervire aliquo modo poterunt. Terræ motus a. 1638. ampliſſimum oppidum S. Euphemiam in Calabria funditus una cum ejus habitatoribus omnibus delerunt, in ejusque locum ſtagnum ſubſtituerunt ſætidissimum 10). Simili motu in Jamaica a. 1692. urbs Port royal fere penitus in mare abjecta eſt. A. 1703. terræ motus æquum quendam locum non procul a Sigillo & viginti duo millaria ab urbe Aquila remotum in tantam recon-

4) *Sen. Quæſt. nat. I. VI. c. 4.* 3) *hist. Americæ.* 4) *Mund. ſubterr. I. IV. c. 10. & Præf. I. c. 2.* 5) *Oecon. mundi mirab. ferut. IV. diſcu. I. c. 12.*  
6) *Samml. aller Reisebeschr. XV. B. p. 469.* 7) *Keyſlers Reisen. T. I. II. & IV.* 8) *Hift. der Natur. I. Th.* 9) *Samml. kl. Schr. II. Th. 1--21. Br.*

reconsiderunt profunditatem, cuius fundus adhuc ne trecentis quidem perticis attingitur. Eodem modo a. 1618. universa urbs Plürs in Rhætia superiori una cum omnibus circa eam positis montibus vallibusque in lacum transmutata est profundissimum 11). Vi istius motus, qui Ulyssibonam a. 1755. fere funditus evertit, duo in regno Fesano disrupti fuerunt montes, quorum alter rubrum per aliquot dies evomuit amnem; sic a. 1678. in Aquitania, & in Hibernia a. 1680. quedam montium juga aquis oppletæ cavitates ex, quæ antea illis erant subjectæ, exceperunt, ex quibus deinde tanta eluctata est aquarum vis, ut Hibernia præcipue illis obruta stagnaverit. Modico intervallo a Lindavio positus mons a. 1737. una cum decem jugeribus collapsus ingentem reliquit hiatum, qui longitudinem sexcentorum & latitudinem quingentorum pedum complectebatur. Ut tellus nonnunquam terræ motu coacta subsidet, ita & eadem vi interdum extollitur & turgida redditur. Ita nova insula prope illam, quæ a S. Michaele nomen habet, ex pelago ejecta est a. 1628. sexaginta super mare elata ulnis; cuius dorsum planitiem habet unius & diuidii milliaris. A. 1640 terræ motuum vi in insula Mindanao mons quidam miræ exortus est magnitudinis, qui tantam evomuit cinerum copiam, qua totam interituram esse insulam verebantur incolæ 12). A. 1749. mons quidam sic dictus Johannis prope Cœckermuth furentibus vehementissimis tempestatibus in duas partes ruptus est, ubi deinceps ex altero decusso saxo flumen aliquod tanta scaturivit vi, ut complura tecta molasque penitus deleta per viam viginti britannicorum milliarum in mare secum raperet. A. 1693. in una ex J. Moluccis, quæ sub Sorcæ nomine venit, ignivomus quidam mons terræ motibus excitatus tantam resinæ aliarumque materiarum urentium erugavit vim, ut ingens inde ignifluum exardesceret stagnum; quod universam antea multis refertam incolis insulam subito devastavit funditus, atque in imam maris abstrusit profunditatem. Terræ motus a. 1703. totam urbem Aquilam una cum 5. millibus incolarum reconsiderunt in terram; istud vero in hoc motu infrequentius videtur, quod solum medium duobus in locis disrumperetur, quorum alter permultos lapides, mox vero deinde tam insignem effudit aquæ

co-

10) v. Kirch. M. S. Præf. I. c. 2. In eodem terræ motu prope adjacens mare ebulliebat cælo sereno, & fragores audiebantur subterranei vehementissimi: terra quoque ibi ita concutiebatur, ut Kircherus ipse aliique eum comitantes sine auxilio arborum pedibus subsistere non potuerint.

11) Unzer 2 Br.

12) Samml. aller RB. XI, B. p. 415.

copiam, ut celsissimas excederet arbores, totamque inundaret regionem. Sic terræ motu quoque thermæ jam sunt obortæ astuosissimæ fontesque salientes<sup>13)</sup> nictidissimi. Maxima adhuc afferri posset exemplorum rariorū multitudo; at cum nec mei hoc sit propositi, & ab aliis eruditis jam ista sint exhausta, pedem hic sisto in recensendis, quorum caussa terræ motus extitere, notabiliорibus phænomenis; in primis cum plura adhuc supersint, quæ in sequentiibus sollicitius investigari mereantur.

### § 3.

Quæ vero ea caussa est, quæ tam insignes in tellure motus product? Hæc est quæstio, quam in hisce paginis paullo accuratius resolvere conabitur. Ante vero, quam id aggredimur, quasdam variorum Scriptorum de eorundem motuum origine afferre liceat diversissimi generis sententias. Alii in mari; vaporibus; alii in ignibus subterraneis; nonnulli quoque in absurdissimis risuque excipiendis commentis fontem istorum motuum quæsivere. Sic v. c. *Thales Milesius* totam terram subiecto judicavit humore portari & innatare; inde terræ motus cum navigiis comparavit, quæ si inclinata sunt, & in latus abierte, aquam sorbeant, & certe dextra sinistraque solito magis surgant.<sup>14)</sup> (Similis mihi in mentem venit sententia illius; qui terram ingeniti cuidam testudini imposuit; facillime enim inde terræ motus ex illius testudinis agitatione possent explicari:) & quæ sunt aliæ opiniones insulæ. Prudentioribus jam præbeamus aures. *Anaxagoras* existimavit, terræ motus eadem ex caussa suam trahere originem, ex qua fulgur quoque & tonitrua, aëre nimirum compresso, & igne inflammato, sint derivanda. *Aristoteles* & *Theophrastus* in rixa aëris reciprocantis interclusi, qui jactat obstantia, ortum terræ motuum posuerunt. *Epicurus* multas assumpsit causas, v. c. aquam terræ partes eluentem; aërem; calidam vim spiritus in ignem versam & fulminis similem; flatus palustres, qui tamen maxime illi placebant, &c. Scita omnino conjectura, fore, ut, si una caussa vera non sit, altera tamen paullulum polleat. *Seneca* in spiritu subterraneo vel flatu ab igne concitato terræ motuum quærerit caussam.<sup>15)</sup> *Strabonis* sententia de terræ motuum caussa in vaporum cum igne subterraneo conjunctione fundata est. *Plinius* de terræ motuum origine ita judicavit: Ventos in caussa esse;

<sup>13)</sup> *Unz. kl. Schr. 21. Br. pag. 406.* <sup>14)</sup> *Seneca. quæst. nat. I. VI. c. 6.*

<sup>15)</sup> *Sen. Q. N. I. VI. ubi hæ sententiae una cum aliis compluribus optime expositæ multisque refutatae verbis inveniuntur,*

esse; neque aliquid aliud esse in terrena tremorem, quam in nube tonitruum. 16) Plures antiquorum opiniones indicias hoc loco abire sinamus, cum & recentiorum quædam adhuc nobis sint citanda. A Kirchero itaque initium faciamus, qui terræ inclusæ materiae combustibilis copiæ ignique generatim subterraneo tam insignes terræ motus producendi vim adscribit. 17) Consentit cum eo quoque Zahnius. 18) Stephanus Hales, ab omnium eum antecedentium recedens opinionibus, aëri nostram cingenti tellurem terræ imputavit concussionem. 19) Andr. Bina (Benedicti ordinis in monte Cassini asecla) optime celeberrimo isto ill. v. Muschenbroekii experimento explicari terræ motus censuit. 20) Sic & Cl. Krüger omnem hujus motus caussam transfert ad Electricitatem; 21) a cuius sententia permulti steterunt alii, v. c. Jo. Car. Wilke; 22) Nic. Gisler; 23) Joh. Fr. Hartmann; 24) Wilh. Stukeley; 25) Fulg. Bauer; 26) aliisque complures. Cel. D. Joh. Petr. Eberhard, una cum Cel. Bernoullio 27), longe aliam terræ motum exponendi ingressus est viam; concavitates assumens, habitacula vaporum, qui, si ignem conceperint, elasticitate sua extenuati, maxima vi exteriorem quassent terræ corticem. 28) Speciosissimæ huic sententia addicti sunt Vir. Ill. de Buffon, 29) L. B. de Wolff 30) & Formey. 31) Frezier non contentus notis hucusque opinionibus, quæ vaporibus ignique electrico terræ motuum caussam adscribunt, in aqua terram perfluente inprimis, nec sine ratione, eorum querit fontem. 32) Hollmannus terræ motus subterranea esse existimavit fulmina. 33) Ill. Segnerus ex subterraneis oleosis vaporibus terræ motibus caussam subministrat. 34) Excell. Dn. Præses explicationi, terræ motus igni electrico tribuentur.

- 16) Plin. H. N. L. II. c. 79. 17) Athan. Kircheri M. S. T. I. I. IV. §. 2.  
 18) Zahni Canon. oœcon. mundi mir. T. II. c. XIII. 1696. p. 147. 19) Hamb. Magaz. V. B. 6. St. 3. Art. 20) ib. X. B. 2. St. 7. Art. S. 294. 297. ff.  
 Muschenbroekii nimirum illud experimentum puto, ubi in aqua ignis electricitatem mire augetur. p. 31. 21) Krügers Naturl. 1. Th. §. 410. 1750. p. 31.  
 22) Schwed. Abhandl. XXI. B. p. 163. 23) Hamb. Magaz. X. B. 3. St. 7. Art. 24) Id. XX. B. 2. St. 3. Art. p. 149. 25) Id. XIX. B. 1. St. p. 4. 26) Diff. de Electric. theoria & usu 1767. p. 142. 27) Bern. Opera. T. IV. nro. 189. not. 3. 1742. p. 114. 28) Erste Gründe der N. L. 1767. p. 729. 29) Allg. Gesch. der Natur. XVI. Art. p. 276. 30) Ged. und Würk. der Natur. §. 183. 1723. p. 596. 31) Entw. aller Wiss. P. VII. 1772. p. 170. 32) Samml. aller Reisebejchr. XV. B. 1757. p. 469. 33) Hamb. Mag. XIV. B. p. 278. 34) Einl. in die N. L. 1770. p. 581. S. 720.

buenti, præcipue faveat. 35) Cel. *Unzerus* propiorem terræ motuum causam impedito aëris condensati egressui adscribit, remotiorem vero inflammationi sub terra marive exortæ 36): quam sententiam & nos quoad maximam sequimur partem. Et hæc sunt præcipua tam antiquorum quam recentiorum placita.

### § 4.

In medium itaque prolatis rarioribus nostri phænomeni exemplis, variisque scriptorum sententiis, in ipsas inquirendum nobis est terræ motuum Caussas. Prisca est & perantiqua opinio, in vaporibus, angustiis terræ inclusis, caussam eorum ponens. Hancce vero in magna ejusmodi phænomenorum parte ut veram obtinere, ostendere jam conabimur. Origo & partes constituentes vaporum subterraneorum in ipsa nostra tellure quærenda sunt. Cavitates, (habitacula vaporum,) quot quantæque ubique jam sint repertæ, & adhuc semper novæ detegantur, parum abest, quin omnibus constet & singulis. Subjiciam tantum quasdam miræ magnitudinis & amplitudinis: celebris est v. c. ex nostra vicinitate caverna sic dicta *Nebelloch*, prope Pfullingam in nostro ducatu Württembergico 488. ped. habens longitudinem 37); sic & antrum germ. dictum, *Retelsteiner-Höhle* 38), prope Styriæ Græciā, duo millaria lata; crypta de notre Dame de la Balme Gratianopolitana; inexhaustæ cavernæ Norwegicæ; spelunca Kongurica, per unum mill. producta, lataque mill. dimidium; insignis ista *Baumannii* specus prope Halberstadium; cavea *Szelicica*, quingentas circiter ulnas profunda, cuius verum autem fundum lubrica inclusa glacies attingere nondum sivit; antrum istud prope Ribar, quod tantas edit exhalationes sulphureas, ut, si bruta illis immittantur, subito mortem obeant; nota etiam est spelunca vocata *Eldenhöhle*, cuius solum ita profundum est, ut 2800 pedibus non attingatur. Regni Neapolitani nonnulli incolæ propter apertas ubique cavernas profundissimas, perpetuoque exhalantes vapores sulphureos, persuassimuntur sunt, Acherontis in ipsis locis patere spiracula 39). Insignem adhuc aliarum ejusmodi cavitatum multitudinem plurima physicorum scripta exhibent 40).

Qua-

35) Diff. Trigonom. meth. plana & facili expl. 1760. p. 32. th. 12. 36) I. c. XVI. Br. 37) Keyslers Reisen Schiiz. Ed. II. Th. p. 104. 38) Id. II. Th. p. 1210. 39) Omnes hæc cavitates una cum aliis permultis descriptæ inveniuntur in Unzers kl. Schr. II. T. 11. Br. 40) Ibid. & Keyslers Reisen II. Th. p. 1180—1211. Kircheri Mund. Subt. T. I. L. II. c. 20. Scheuchzer It. Alp. T. I. 1703. p. 102, &c. &c.

Quare haud scio, quam ob rem Cell. Stuckeley in dubium adhuc vocare possit tantam cavernarum multitudinem, quanta ad recipiendam eam, quæ ad terræ motus gignendos sufficeret, vaporum copia requiritur. Decepit vero eum mirabilis opinio, quod terram ex uno denso lapide constare existimat 41). Ex paucis potius allatis exemplis certo colligimus, tellurem ubique aptam esse ad tales, de quibus agimus, recipiendos vapores.

### § 5.

Quænam vero sunt horum vaporum partes constituentes? unde constanter suum petunt ortum? — Habemus hic experimentum sane speciosissimum, quo Lemery primi terræ motus produxit artificiales. Si parem sulphuris, aquæ, & limaturæ martis copiam, ad pulmentum redactam, in vitro teneas obturato, aut sub terram defodias, in quo casu, solutum super-impositum non tantum inflat, sed sursum quoque jactatur, ingressoque aëre subito incensa per apertas rimas, quas egit, in flamas abit vehementissimas 42). Age itaque! videamus, annon explicare hinc possimus terræ concussions. Sulphur, prima Exp. pars, in plurimis terræ tractibus deprehenditur 43). Omnibus metallis id est junctum, aliisque minerarum permultis v. c. pyritis, marcasitis, &c. Cum sulphure juncta sunt ferri particulæ (quin & in ipsis animalibus & plantis 44) &c. ferri minorem, majoremve partem detexerunt chemici). Primarias igitur Experimenti nostri partes permultis terræ tractibus inesse non sine justa ratione colligimus. Sed unde provenit aqua, quæ tertia illius pars est? — Jam, quanta sit venarum sub terra multitudo, in antecc. vidimus, & adhuc videbimus; hæ aqua vel marina vel alia subterranea repletæ, annon, interdum cum istiusmodi, de quibus diximus, materiis ubique in terra dispersis

41) Hamb. Mag. XIX. B. I. Art. pag. 4--18. 42) Lemery in Hist. de l'Acad. des sciences de Paris. l'an. 1700. & Kraft in Pr. Phys. T. III. §. 263. 1754. p. 307. & Unzer s. Br.

43) Magnam sulphuris præcipue copiam cavernis inesse, indubium est. Tschirnhausen per totam fere Europam peregrinatus, permultis ex specubus, quos intrare ausus est, insignes egredi cognovit vapores sulphureos; quos immissa manu calidos, floresque (qui in Chemia ex sulphure extrahuntur) statim sese applicantes, expertus est. v. Medic. Ment. P. II. p. m. 131. seq. Idem quoque Krügerus comprobat in Nat. L. I. Th. 1750. p. 558. aliisque v. g. in Samml. aller R. B. XI. B. p. 677. XV. B. p. 468. &c.

44) Provoco hic ad doct. Diff. Joh. Fr. Gmelin Prof. Med. Extr. An adstringenta & roborantia stricte sic dicta ferreo principio suam debeant efficaciam.

sis conjugentur? Quin & pluvia tellurem permanantes facile in ista ruere possunt mixta; annon & in illis eundem producent effectum, quem in Exp. observavimus commodum allato? vidimus jam, partes illius, si adhuc sint separatae, haud difficulter conjungi, vel jam unitas in nostra tellure posse deprehendi. Omnino ergo inde inferre licebit, hocce, quod recensuimus, experimentum, explicationem terræ motuum neque incertam, neque insulsam nobis suppeditare.

### § 6.

Alias adhuc materias in terræ quoque meditulliis detegimus, quæ jam allatis in producendo terræ motu adjumento esse possunt. Sunt vero istæ: Nitorum, alumen, sal ammoniacum, bitumen, naphta, oleum vitrioli, aqua fortis, spiritus nitri, &c. uti & spiritus minerales, auri, cupri, ferri, arsenici, mercurii, cadmiæ, &c. Harum aliquas, cum haud facile in uno eodemque loco omnes convenient, cum supra commemoratis materiis junctas ad terræ motum efficiendum sufficere, sequentia demonstrant experimenta. Miscentur olei vitrioli 2. Drachmæ, cum 8. aquæ, quibus adhuc limaturæ martis dr. 2. adduntur; hisce fermentescentibus vapores procreantur, qui, si aër accesserit calidus, subito inflammantur, terramque, si cui inclusi sunt, magna vi concutiunt (45). Sic &, si spiritui nitri fumanti, ex nitro & oleo vitrioli confecto, oleum caryophyllorum affundatur, ingentem duæ hæ materiæ æstum concipiunt & inflammantur (46). Sunt & alia complura ejusmodi experimenta, quæ singula hic commemorare nimis longum foret.

### § 7.

Vis, qua materiæ ejusmodi effervescentes vel inflammatae, (quales modo consideravimus) terram superimpositam concutiunt, non aliunde rectius, quam ab aëre compresso repeti potest. Aër enim, qui in crypta continetur, magis elasticus, vi sua sese expandendi (47), calore materiæ ardentes aucta, omnes cavitatis plagas maxima violentia premit vel percutit. Fundus autem & latera, partim ob nimiam materiæ inflammatae resistentiam, partim ob magnam terrarum molem, haud expeditum exitum illi permittunt. Solum itaque tantum super impositum isti pressioni cedit subsilitque. Fragores au-

(45) v. Unzers kt. Schr. II. Th. 5. Br. p. 92. (46) Ibid. & Krafft's Pr. Phys. T. III. §. 263. (47) Eberhard's Erste Gr. der Nat. L. 1767. p. 729. Buffon Allg. Gesch. der Nat. T. XVI, p. 276, Samml. aller R. B. IX, B, p. 418.

autem, qui in hisce terræ motibus nonnunquam exaudiuntur, ex reciproca halituum istorum colluctatione oriri posse existimo; inprimis cum vapores isti latera speluncæ maxima vi feriant, utque terra scindatur, efficiant, & egrediantur, aqua vero etiam in cavitatibus istis multis mixta partibus alienis & elasticitate spirituum pressa (nullam patiens condensationem) ad efficiendas istiusmodi adapertiones & fragores præcipue adjumento esse potest. Opinonem hanc prope accedere ad veritatem, experimento quodam nunc confirmabo: Globuli exigui vitrei, magnitudine cerasorum, si ad medietatem usque aqua nitrola impleti, hermeticeque sigillati, ardentibus carbonibus superimponuntur; aqua ex vapore intus rarefacta, dum exitum quererit nec invenit, ruptis obstaculis violentissima eruptione tantum excitat frangorem, quantum sclopus plumbea exoneratus glande 48). Ex his patet, arbitror, satis eviderter, vim motus ipsam sese destruere, si exitum sibi vapores paraverint: quia omnis vis irruit in apertas terræ ripas, lateraque nunc abeunt illibata. Vapores itaque isti maxima egrediuntur turbatione atque vi; quid aliud inde sequi oportet, quam ut sumimos reddere ventos aliosque producere possint effectus? 49) Per multa id comprobant exempla historica; unum vero tantum loco ceterorum omnium afferam: dudum in J. Jamaica, quæ multis semper agitatur terræ motibus, observatum est, nunquam terræ motus tam vehementer fævire, si in primis concussionibus violenti increbuerunt turbines 50).

### §. 8.

Vidimus jam, necesse esse, ut cavernæ subterraneæ spiritibus replete connexionem inter se habeant, sine qua mutuus eorum egredi tentantium motusque concitantium consensus explicari nunquam posset, qui & ipse in his, de quibus agimus, querendus est venis. Néque experientia nos hac in re fallit, nec per multi sunt, qui de existentia istarum in terra venarum non sint persuasissimi. Ex quibus, ni fallor, luculenter patet, unde semper continentur motus a vaporibus producti, si semel halitus cavernis venisque istis inclusi exitum invenerint: venæ enim illæ ut ramosi concipi possunt cuniculi, qui mutuo ita inter se consentiunt, ut uni, egressis per foramen terræ quoddam vaporibus, exhausto, proximus omnem suam a contiguo acquisitam suppeditet ha-

48) Kircheri M. Subt. T. I. l. 4. c. 10. §. 2. 1665. p. 222. 49) Eberhard's erste Gr. der Nat. L. 1767. p. 729. 50) A. Hamb. Mag. V. B. p. 616.

lituum copiam. Summa itaque violentia ex aperto terræ hiatu recentes isti spiritus tamdiu urgebunt motus, donec omnem venæ junctim inter se communicantes vaporum & materiarum combustibilium abundantiam excusserint. Motus autem erunt vel vehementiores, vel remissiores, prout magna vel pauca venarum connexarum, & contentorum in iis vaporum adfuerit copia. Hinc & una regio crebrioribus obnoxia esse potest terræ concussionibus, ac altera, quam infrequentius ejusmodi venæ & cavitates perfoderunt. A diversitate vero locorum, in quibus diffusæ sunt materiae motus telluris generantes, diversimodeque se incendentibus istis materiis derivandum esse puto, cur in terræ motibus a vaporibus aliisque rebus inflammabilibus 51) productis, pulsus subsequentes multo plerunque primis sint vehementiores, nisi ventus accesserit, & turbulentos vapores ex apertis foraminibus extraxerit ac dispulerit. Pulsus posteriores plerunque deum elapsis duobus tribusve horis sentiuntur, & quidem sequentem, ut probabile est, ob caussam: materiae combustibilis & vaporum in venis terræ communicantibus inclusorum copia non in omnibus istis ramulis æque ad incendendum idonea est; alia enim jam dudum præparata est, alia vero per breve tempus, alia adhuc caret partibus quibusdam necessariis. Primis itaque expeditis & prorsus ad efficiendum motum præparatis incensisque, calore eorum reliquæ ignis in proximis venis partes antea nondum satis idoneæ plane absolvuntur. Absolutæ hæc idem in iis, quæ adhuc supersunt, præstant officium. Materia igitur ista alias post aliquot deum dies vel menses sese incensura ope adjecti ignis perpaucis nunc inflammatur horis. Facillime ergo intelligitur, motus subsequentes ob maiorem materiae combustibilis vaporumve accensorum copiam aciores omnino fore prioribus. Idem fere observatum est in tribus terræ motibus per totam Norrlandiam occidentalem a. 1752. ubi alter motus octiduo semper elapsò alterum est subsecutus 52).

### § 9.

Sic jam ostendimus, qua ratione in terra per varios vapores sulphureos aliasque materias combustibles oriri possint motus; quedam tamen adhuc ve-  
niunt contemplanda. Si venæ prope mare vel flumina sitæ sint, & vapores

51) Probe notandum est, quod materiae inflammabiles vel combustibiles nunquam confundendæ sint cum igne electrico, de quo infra agimus. 52) Primus d. XXI. Nov, secundus d. XXVIII. Nov, tertius d. VI. Dec, v. Schwed, Abh. XV, p. 69.

egredientes in ea exeant, nunquam tam insignes in illis producent effectus, ut vel aqua a littore recedat, vel etiam illud excedat; sicut & ab igne electrico, (de quo deinceps agemus,) motus terræ in ipsa etiam planicie vehementiores, quam a vaporibus, produci lubentissime concedimus. Quod nonnulli montes ignivomi durantibus terræ motibus magnam interdum aquæ copiam evomant <sup>53)</sup>, vix aliunde, quam a maxima inclusorum illis montibus variisque spiritibus sulphureis & metallicis abundantium ventorum vi derivandum esse videtur. Hic tantum subjungo Cel. Stukeley argumenta, quibus sententiam eorum, qui caussam terræ motuum a vaporibus derivant, convellere studuit. Ita vero ille: in lithanthracium foditis contineri sæpiissime spiritus, qui ingresso aëre subito incendantur, nullamque relinquant conjecturam, quod quædam illis terram concutiendi vis insit. Argumentum illud hac fulcire co-natus est observatione; quod cuniculi in forma coni-subversi suam exerant vim, unde, si cum cuniculis compares terræ motus, materiam graves terræ concus-siones producentem ad minimum ducenta milliaria infra terram demersam esse oporteret. Facillima autem ad hæc responsio in promptu est: non enim repetimus a vaporibus vehementissimos terræ motus, sed contenti jam sumus, quod plurimos terræ motus, qui in minoribus sentiuntur telluris tractibus, ex vaporibus subterraneis possimus explicare. Cetera argumenta hic tacemus, cum ex iis, quæ in superioribus diximus, facile possit responderi. Ceterum in his quamvis Cel. Stukeley paullulum errasse nobis videtur, ea tamen eru-diti hujus naturæ sacerdotis laudi tanto minus aliquid detrahunt, quo majores & insigniores illi in aliis debemus eruditio[n]is & observationum fructus.

### § 10.

Consideratis nunc iis, quæ in vaporibus tanquam terræ motuum caussis præcipue occurrere solent; restat, ut & quædam adhuc allegemus signa, quibus istæ concussions a ceteris ab aliis caussis oriundis motibus possunt dis-tingui. Præcipuum sine dubio hoc est, si pulsus subsequentes graviores sunt prioribus; in terræ motibus enim ab igne electrico productis plane contrarium accidit, ubi primæ concussions vehementiores existere solent posterioribus. Signum hoc sine limitatione in istis valet terræ motibus, in quibus plu-

res

<sup>53)</sup> v. Samml. aller R. B. IX. B. p. 417. Mereretur omnino hæc observatio peculiarem tractationem, quam vero una cum aliis compluribus hic p[re]ter-mittere me oportet,

res sentiuntur pulsus. Præterea quoque lenis plerumque has concussions præcedit strepitus; in iis vero, qui ab igne electrico oriuntur, stridores nonnunquam exaudiuntur vehementissimi: ex quibus vel insignes, vel exiguae sequentium concussionum intelliguntur vires. Hæc etiam præcipua est nota, quod ventus plerumque terræ motus a vaporibus editum vel antecedit vel subsequitur. Reliqua signa hic tacemus, cum palmaria jam indicaverimus.

### § 11.

Spectatis itaque iis, quæ ad terræ motus a vaporibus productos pertinere videbantur, ad aliam nunc in quibusdam phænomenis propiorem nonnunquam & graviorem caussam pergimus, in *Igne Electrico* subterraneo sitam. Argumentum, quo primo loco hancce caussam fulcimus, est experimentum electricum, satis notum certumque. Inter duo corpora metallica cylindrica 54) si suspendatur filo serico lanx quadam metallica mobilis, ignis electricus fertur in cylindros istos, qui lancem istam adeo invicem attrahunt atque repellunt, ut corpora illi imposita non modo graviter concurtiantur, sed & abjiciantur. Experimentum hoc omnino est simplicissimum idemque speciosissimum, quo Cel. *Hartmannus* terræ motus optime explicare tentavit. 55) Concussions quoque terræ nonnunquam fere in uno eodemque temporis momento per ingentem aliquem tractum sentiuntur, æque ac id contingit in pulsibus ex machina electrica progeneratis. Meteora etiam electrica, v. c. auroræ boreales, ignes fatui, stellæ cadentes, &c. plerumque terræ motuunt sunt auguria, atque ita demonstrant eorum electricitatem. Allatis itaque præcipuis his argumentis, terræ motus ab igne electrico oriundos ostendentibus, consideremus jam ea, quæ primum in ipso hoc igne electrico nobis spectanda veniunt. Quid sit materia electrica, solertißima eruditorum opera hucusque non potuit explorari: adeo enim subtilis est, ut in internam ejus indolem penetrare nondum licuerit. Externas quidem novimus ejus qualitates & effectus: v. c. quod sit materia fluida, in omnibus corporibus præsens, expandens se in alia corpora, quod partes ejus invicem fese vel attrahant vel repellant 56), &c. sed internæ adhuc obscurissime latent. 57)

### § 12.

- 54) Quæ cuidam corpori Electrico, v. c. pici, vitro, serico, &c. imponuntur.  
 55) *A. Hanib. Mag. XXV. B. II. St. III. Art. p. 149.* 56) *v. Franklins Br. über die Electricität. 1758. p. 72. seqq. aliisque.* 57) Nonnulli quidem ignem Electric vocarunt ætherem; quam vero sententiam cel. *Divisch* experimentis barometro institutis, optime refellit: *v. Theorie der meteor. Elektr. oder Magia nat. 1765, p. 56. §. 43.*

## § 12.

Mittamus itaque originem partesque ignis electrici constituentes, nondum plene detectas: consideratur potius varias rationes & modos, quibus electrici ex corporibus possit haec materia. Quod frictione corporis electrici <sup>58)</sup> cum alio non electrico excitari possit ignis electricus, inter omnes constat, qui eiusmodi jam conspexerunt experimenta & machinas. Sed si ad nos spectemus terrae motus, queritur, quid in terra fricit, & quid fricetur? — Effici potest ignis electricus occulto attritu partium minimarum, quae vaporibus insunt, vel sulphuris & particularum ferrearum aqua irrigatarum, vel vitrescentium aliarumque materiarum. Ingentem inde vero eam, quae ad efficiendum terrae motum requiritur, ignis electrici copiam oboriri posse, dubitamus, an argumentis erui possit certis & evidenteribus. Sequentem potius amplectimur caussam. Novimus, in tempestatisbus fulmina esse ignis electrici effectus. <sup>59)</sup> Alii vero fulminum originem deduxerunt ex deflagratione exhalationis sulphureæ cum sonitu & strepitu nubibus excussa <sup>60)</sup>; alii compararunt istam cum Electricitate in lapide quodam Ceylonico, sic dicto *Turmalin* (*Aeschentreker*), qui, si calori admoveatur, ex una parte positivam, ex altera vero negativam electricitatem acquirit. <sup>61)</sup> Lapidis illius electricitas quamvis plene explicari adhuc non possit, probabile tamen videtur, eam quoque in terrae motibus locum habere posse. Potest enim permultis in terra reconditis, nobis adhuc incognitis, eadem peculiaris qualitas, quae in lapide Turmalin nunc detecta est, inesse, & eam eliciendam ingens in terra sulphuris, ferri, aquæ &c. copia, & istarum materiarum facilissime effervescentium calor multum omnino conferre potest. Haec est una, eaque verosimillima caussa ex sexcentis forsan aliis, adhuc quidem latentibus, igni vero electrico subterraneo scaturiginem præbentibus fœcundissimam.

## § 13.

Habemus itaque nunc sufficientem in terra ignis electrici copiam, qua vero ratione & modo hic ignis ipsos terrae motus excitet, ita fere concipi potest. Ignis Electr. in terra a multis materiis electricis vel huc & illuc trans-

<sup>58)</sup> Differentia haec legi potest in *Franklins Br. Ann.* p. 217. aliisque. <sup>59)</sup> Quod altissimæ super terram positaæ perticæ ferreae fatis demonstrant. <sup>60)</sup> *Käffisi Phys.* T. III. §. 264. 1754. p. 307. <sup>61)</sup> *Segners Einl.* in die N. L. §. 367. 1770. p. 310, aliisque.

transfertur, unde quasi oscillatio 62) terræ super impositæ oritur, vel in via directa tantum corpora non electrica permeat & concutit, ita, ut hæc concusso per multorum milliarium spatum sentiri possit. Ignis quoque hic in certo quodam loco hucusque defixus atque a materiis electricis v. c. pice, vitreoscentibus, aliisque inclusus, subito nunc sese explodere, atque proximas terræ particulas secare & permeare, eodemque ipso gravissimas in solo superiori efficere potest concussions. Et hæc verisimilis certe conjectura est, cum modus, quem ignis El. in producendis terræ motibus sequatur, penitus cognosci nequeat.

### § 14.

Inter meteora, quæ terræ motuum nonnunquam sunt prodromi, eorumdemque ortum ex igne electrico derivandum haud obscure arguunt, primo loco notamus *Auroram borealem*. Hoc nimurum phænomenon ipsas sæpiissime antecedit terræ concussions, & ab his quoque, ut diversi sunt generis, haud parum variatur. Multa hic prostant exempla; v. c. A. 1757. Utsjoki terræ motus sentiebantur, ubi aurora borealis conspiciebatur a SW ad NO directa 63). Sic & in terræ concussionibus, quibus a. 1752. Norrlandia occidentalis agitata est, aurora bor. a NO ad SW sese extendens observata est 64); Cetera exempla jam omittere cogimur. Non in omnibus quidem terræ motibus ejusmodi apparent auroræ boreales, tamen in vehementioribus plerumque 65). Quamvis autem origo auroræ borealis graves inter eruditos moverit lites, tamen recentiori nostro ævo a materia electrica deducta multis jam stabilita est argumentis atque experimentis, quæ a Cell. Wiedenborgio sunt instituta 66). Nonnunquam vero & ignes fatuos, stellas cadentes, malleolos igneos 67), aliaque ejusmodi meteora 68) terræ motus antecedere, haud dubium est; in quibus ab igne Elect. & vaporibus certo oriundis neminem facile habebimus repugnantem.

### § 15.

- 62) Ea, quæ in tectis observatur, quæ in terræ motibus ab igne electr. productis aliquantum temporis quasi oscillant vel ab uno latere ad alterum moventur, donec corraunt. Ostendit eam quoque experimentum Hartmanni supra allatum. Exemplum vid. in *Sammel. aller Reisbesch.* XIV. B. p. 221. &c.  
 63) v. *Schwed. Abh.* T. XXI. p. 221. 64) id. T. XV. p. 69. seqq. 65) A. Hamb. Mag. XXIV. B. p. 262, seqq. &c. 66) *ipsius Beobachtungen und Muthmassungen über die Nordlichter.* Jena. 67) ib. p. 16. 18. &c., & *Sammel. a. R.* B. XIV. B. p. 220. 68) A. Hamb. Mag. V. B. p. 16.

---

### § 15.

Sed quænam est horum meteororum cum caussa terræ motuum imminentium conjunctio? — Possunt phænomena ista & effectus & caussæ ignis electrici esse, uti in compluribus aliis phænomenis id observatur. Forsitan vero istiusmodi meteorum materiam electricam in terra contentam excitat, quæ deinde sese explodens terram gravissimo impetu concutit, & insignes terræ motus edit.

### § 16.

Alii, iique certissimi terræ motuum vel prodromi vel comites sunt *fragores* subterranei. Exaudiri ejusmodi murmura in terræ motibus, præcipue in grayioribus, permulta comprobant exempla 69); ea autem ut disertius commemoremus, nec Instituti nostri ratio poscit, nec locus hic admittit. In caussas tantum eorum hoc loco inquirendum nobis est. *Kircherus* 70), „memini, inquit, me ante imminentem terræ motum, qui sëpe saepius interdiu nocteque reiterabatur, horrendum murmur & incredibiles fragores ad instar multorum sonitus tympanorum percepisse.„ De eorum vero origine hoc ejus judicium est: „ex tanto exhalationum subterranearum cum aëre conflictu, ex vehementissima corporum collisione sonum oriri necesse est.„ Speciosa sane hæc & probabilis sententia. Vidimus jam in antecc., in terræ motibus, qui vaporibus ortum debent, aëris elastici vim a materia, si incensa fuerit, augeri, eundemque, dum exitum quærit, ad latera speluncæ eum incarcerated maxima tendere pressione. Hanc, cum partes cryptæ aliquæ majores & faxa integra sustinere non possunt, decidunt, sonitumque in istis fornicibus excident, necesse est 71), quem, aperto aliquo exitu, aër hucusque compressus, summa vi nunc erumpens, maxime adaugebit 72). Hæc sonorum subterraneorum explicatio in illis in primis terræ motibus a vaporibus producatis locum invenit.

### § 17.

69) *Schwed. Samml.* IX. B. p. 417. X. B. p. 155. XI. B. p. 538. XV. B. pag. 69. Et 108. XVIII. B. p. 130—136. XXI. B. p. 221. *Samml. aller R. B.* IX. B. p. 414.

*Bernoulli Opp. T. IV. Nro. 189. not. II.* 70) *Mund. Subt. L. IV. sect. 2.*

*cap. 10. §. 2.* 71) *Hos sonitus in terra excavata ita generari posse, probat experimentum Keysleri, qui in Italæ quodam tractu, duo mill. germ.*

*a Vesuvio versus Pozzuoli remoto, foveam exiguum unius tantum & dimidii pedis effici, eique lapidem viginti circiter librarum immitti curavit, quo cavernæ istæ subterraneæ, vehementem ciebant sonum, sclopeti bellici globo exonerati ad instar. v. ipsius Itiner. P. II. Ep. LX. p. 846. seqq.* 72) *conf. §. 7,*

## § 17.

Sunt vero caussæ etiam longe aliae, a quibus fremitus & stridores illi, qui terra motus plerumque præcedunt, efficiuntur. Qui experimenta quædam electrica viderunt, probe norunt, quam ingentes scintillæ electricæ, quæ ex machina elicuntur, sonos excitent, qui vero singuli tantum in minutis primis audiuntur 73). Cum itaque tam exigua, quæ alicui machinæ inest, ignis electrici copia, istiusmodi sonis edendis par sit; quam graves indubitabilis illa, quam terra continet, ignis electrici abundantia efficere poterit fragores? Ratio autem & modus, secundum quem ex igne electrico subterraneo oriri possunt istiusmodi strepitus, ita fere concipi potest. Non semper in uno eodemque loco remanet ista materia electrica, (quia a corporibus prope sitis quam maxime attrahitur, & terra ubique est cavitatibus & cryptis aëre repletis perforata) sed ex corpore egrediens in aliud per aërem ut quasi saltu 74) ingrediatur, necesse est; quo saltu aër tanta secatur celeritate 75), ut insignis inde non possit non excitari sonus. Ita generari posse credo fragores, qui terra motus ipsos vel antecedunt vel comitantur. Observatum vero est, subsequi etiam nonnunquam terræ motus istiusmodi murmura subterranea; quæ vel novarum concussionum esse possunt prodromi, vel ab alia, quam supra jam attigimus, caussa possunt oboriri. Haud absonum enim est, fluidi nostri electrici motum producere posse sonitum ab insigni impulsu *ingentis* alicujus terræ motus sub terræ motuum in tellure incidentis excitatum. Ita quidem Cel. Stukeley fragores subterraneos, qui eo tempore audiuntur, quo sibi sunt terra concussions, generari posse arbitratus est 76).

## § 18.

Illud vero non plane omittere possumus, quod bestiarum hand paucæ imminentes graviores terræ concussions egregie sentiant. Sic de Regno Peruviano, multis semper terræ motibus obnoxio, constat, canes prope instantes concussions primos persentisci, huc & illuc quasi furiosos circumcurfare, latratus atque ululatus edere vehementissimos. Jumenta quoque ibi in viis publicis

73) Præsertim, si istæ scintillæ ex metallo quodam egredientes pulsent vitrum; quo in primis experimento tonitrua explicantur. 74) Id quod etiam fit in machina: si v. c. metallum quoddam admoveatur conductori, ignis in distantia quoddam cum sonitu exit, qui eo major esse potest, quo major est materiæ electricæ in conductore copia; Intra hanc vero distantiam corpus quoddam metallicum non potest inferri, quo minus crepitantem ex conductore elicit scintillam. 75) Ut a fulminibus in tempestatibus. 76) A. Hamb. Mag.

publicis euntia subito nullum amplius pedem movent, sed pedes potius exten-  
dunt, ne sequentibus terræ motibus humi prostrata jaceant 77). Galli quo-  
que nonnunquam ante terræ motus multo, quam alias solent, vehementius  
canunt interdiu noctuque 78). Volucres non impavidæ sedent 79), & mures  
per domicilia gregatim discurrunt 80); columbae celeri volatu sua columba-  
ria deserunt 81); boves mugiunt, & omnes quadrupedes suis se liberare con-  
nantr vinculis. Inter præcipua istorum exemplorum afferri quoq[ue] mere-  
tur, quod in Gallia nuperrime accidit 82). Non autem bruta solum animan-  
tia, acutioribus prædicta organis sensoriis; sed & homines instantes terræ con-  
cussiones, quamvis insciæ, præsentire interdum possunt. Taceo, quod ante  
terra tremores angoribus & animæ defæctionibus 83) homines affici, (id  
quod in Regno Peruviano nil novi est) aliquando etiam sui non amplius com-  
potes furentium instar ferarum sævire possint; quod in terræ motibus, Antio-  
chiae Syriacæ accidit. 84) Quænam vero est cauſa, tam insignes in homini-  
bus & brutis efficiens commotiones? Nihil sane in rerum natura nobis cognita  
ad id magis idoneum videtur, quam vapores sulphurei, ex terra, in qua  
generantur 85), in nostram Atmospharam ascendentes. Dudum enim jam  
observatum est, imminente terræ motu plerumque rubros & tellure aërem  
intrare vapores, qui vel crassiores conspicuntur, vel & tenuiores. Iſtos ve-  
ro vapores ex puro & sulphureo constare aëre, sequens docebit experimen-  
tum. In ampulla clausa commisceantur inter ſe contusus Pyrites 86) & aqua  
fortis, donec in fermentationem abeant; novus si. dein immittatur aër natura-

77) v. Samml. aller Reiseb. IX. B. p. 414. 78) Bernoulli Opp. T. IV. nro. 189.  
n. II. 79) Plinius H. N. L. II. C. LXXXI. Samml. aller R. B. XII. p. 589.

80) Baglivi Opp. p. 538. 81) Id. p. 562. Obs. 11. 82) Frankf. Zeitung.

Nr. 109. vom 9. Jul. 1773. „Am 24. Jun. weideten zwey Mägdchen von 12.  
bis 13. Jahren vier Kühe und ein Saugkalb auf der Spize eines Berges, die Ro-  
senküste genannt, in dem Gebiete von Aypres. Um 4. Uhr Nachmittags nahmen  
die Kühe auf einmal die Flucht, und eins der Mägdchen lief ihnen nach, um sie  
aufzuhalten; und das andere Mägdchen war noch beschäftigt, dem Saugkalb  
Brot darzurreichen; als man in dem Augenblick ein unterirdisches Getöse hörte,  
und das von den Kühen verlaßene 40. Klafter lange, und 20. breite Erdreich  
auf einmal versank. Man hat vergeblich sich bemühet, das Mägdchen mit dem  
Saugkalb wieder zu finden; indem beyde von der Erde verschlungen wurden:  
das andere wurde blos durch die Flucht der Kühe, welche eine Minute vor dem  
Einsturz die Gefahr empfunden, gerettet.,, 83) Schwed. Abb. XVIII. B.  
p. 130--136. 84) Majoli dier. Canic. P. I. coll. 1. p. 31. 85) conf. §. 4. 5.  
86) Pyrites quoad maximam partem ex sulphure constat; id quod jam satis inclarescit.

lis, vapores egredientur rubri, sulphureum spargentes odorem; iisque qui ante instantes terræ concussions observantur, simillimi. Probabile itaque est, bruta ante tremores ipsos vapores hosce sulphureos, quamvis plerumque subtiles, præsentire, atque ideo fugiendo ista loca vita suæ consulere. Hæc una est eaque verisimillima ratio; alia vero adhuc exhiberi potest: ignis scilicet electricus, in tellure incarceratus, dum exitum sibi parat, sursumque per materias non electricas exiens, animantium corpora intrare, & organa eorum acutiora ita ferire potest, ut naturali quodam instinctu & periculi formidine vel aufugiant vel varios edant motus corporis.

### § 19.

Expositis nunc iis, quæ terræ motus ab igne electrico oriundos præcedunt, quidam adhuc ignis electrici effectus breviter contemplandi veniunt, ipsas terræ concussions subsequentes. Motus ipsi, si ignis electricus per spiracula terræ egressus in alia corpora super terram posita sese diffuderit, ut cesserent, necesse est. Hinc terra sæpiissime sese aperire, & flamina exsilire potest, quæ in aëre circumvolet, nil tamen incendens 87); id quod iterum argumentum est pro electricitate tanquam terræ motuum causa. Aliud adhuc huic subjungimus argumentum: quod nemp̄ acuum magneticarum directiones durantibus terræ concussionibus quam maxime varientur. 88) Cum autem electricitatem inter & vim magneticam intercedat similitudo aliqua, mutua concipi potest connexio inter vim acus magneticam ignemque electricum subterraneum, terræ motus cognitentem. Prolixam ceterum hujus phænomeni explicationem, cum nec ad nostrum directe tendat scopum, doctioribus relinquimus.

### § 20.

Egressi ex terra ignis electrici vis in *Mari* præcipue sentitur maxima, quam paullulum jam examinabimus. Illud quippe ab igne electrico tam turbulentum potest effici, ut fluctibus jactetur quasi procella agitatis, strepitum edentibus insignem. 89) Nonnunquam vero aqua ista marina impulsu fluidi electrici vel a littore recedere 90), vel summa vi illud excedere potest. Multa existant hujus phænomeni exempla: sic v. c. anno 1531. a terræ motibus in Portugallia sæuentibus undæ sex pedibus altiores ascenderunt, quam alias in fluctu-

87) Samml. aller R. B. XIV. B. p. 222. 88) Unzers Samml. kl. Schr. II. B. p. 12. & A. Hamb. Mag. XXI. B. p. 227—272.

89) Schwed. Samml. XXII. B. p. 69. 90) Samml. aller R. B. IX. B. p. 421.

fluctibus altissimis. 91) Eodem terræ motu in portu Gaditano mare ad videnti quinque incho ad triginta usque pedes intumuit. 92) Anno 1755. prope Tangis aqua verticaliter ad quinquaginta pedes usque invaluit 93), tantaque vi propinquam inundavit regionem, ut muros etiam templorum non modo dirueret; sed maxima quoque laxa per octoginta passuum spatum ab eo loco abriperet, cui ædificium antea insederat. 94) Plurima dantur alia ejusmodi exempla, qua heic afferre nimis diffusum foret. Maximus vero ignis electrici effectus in mari sine dubio is est, quod maximas etiam concutiat naves, ita, ut tormenta bellica in illis collocata suis dejiciantur pedestribus, & mali dilacerentur validissimi. 95) Anno quoque 1747. d. 4. Martii, quo terræ motibus oppidum St. Hubes Portugallense penitus eversum est, maris undæ naves oneribus ingentibus onustas in altitudinem viginti quatuor pedum supra portus muros jactitarunt 96): quod mirum omnino est phænomenon.

### § 21.

Constat præterea, in locis, ubi Thermæ inveniuntur fervidissimæ, terræ motus sentiri multo crebriores. 97) Id Portugallia & Peru maxime demonstrant. Thermas ipsas ab igne subterraneo & partibus sulphureis ac ferreis aliisque mineralibus suum deducere ortum, facilime omnes largientur. Eadem vero nonnunquam cum caussis terræ motuum connexas esse posse, inde colligimus, quia vapores sulphurei, ignisque subterraneus, cum plurimis partibus thermae constituentibus arctissima affinitate junguntur, adeoque in terræ cavitatibus illas affectari atque persequi possunt. Ignem enim in aquam præcipue particulis sulphureis repletam agere illamque intrare, in superioribus jam ostendimus, & ulterius adhuc foci in mari atlantico atque occidentali igne ardentes (de quibus multa elegantissime differuit vir acutissimi ingenii Unzerus 98) demonstrant.

### § 22.

Accidit etiam interdum, ut montes ignivomi vel imminentibus, vel durantibus terræ motibus leviant quam vehementissime, unde mutuam quan-

dam  
 91) Unzers kl. Schr. II. B. p. 416. 92) Danziger Beschr. des Erdb. von Lissabon. I. St. p. 18. 93) Unzers 22. Br. 1762. p. 424. 94) Schued. Abh. XVIII. B. p. 130-136. 95) Hist. aller R. B. XII. B. p. 589. Alia exempla ad huc legi possunt in Shaw voyages. T. I. p. 303. Unzers kl. Schr. II. Th. p. 194. & 413. Hist. aller R. B. XI. B. p. 475. 96) Unzers S. kl. Schr. T. II. 22. Br. p. 417. 97) A. Hamb. Mag. X. B. p. 296. Unzers kl. Schr. II. Th. p. 194. 200. 253. 415. 98) v. Ipsius Samml. hi phys. Schr. II. Th. 10. Br. præcipue de thermarum origine & cum terræ motibus connexione legitur præstantissimum scriptum in Ep. VI. ad quod plane hic provoco.

dam connexionem suspicari licet probabilissime. *Ista vero materiarum terræ motus efficientium cum receptaculis, quæ in montibus illis ignis alimenta continent, conjunctio in venis & cavitatibus subterraneis querenda est: eademque hujus conspirationis ratio valere videtur, quam in thermis contemplati sumus.* Aliquam saltim terræ motuum originem in igne subterraneo querendam esse, evincit illa ipsa connexio. — — Plerumque autem montes isti igne ardentes plane quiescunt, dum eodem temporis articulo tellus magnis concutitur impulsibus. 99) Hic quidem casus nullam involvit partium, montes ignivomos & terræ motus alentium, inter se connexionem. Meretur omnino hac terræ motuum cum montibus ignivomis connexio, quam nobis attingere tantum licuit, peculiarem tractationem, qua maximi momenti res ad liquidum tandem dederetur. 100)

### § 23.

Jam, cum caussarum illarum, quas haec tenus, *quælibet*, & vaporum copia, & ignis electricus, tam graves & atroces terræ motus parere queat, quos tandem quantopere *conjunctæ* efficient? Coniungi vero illas *sepiissime*, conjunctisque viribus terram concutere, vel ex eo verosimile est, quod ad ipsos vapores procreandos, undecunque existant, plerumque etiam ignis vel ordinarius vel electr. concurrat. Atque hinc simul jam intelligitur, cur tamen difficile sit, veram propriamque cujusque terræ motus caussant definire.

### § 24.

Præter *Causses* terræ motuum vere & proprie dictas, sunt & aliæ, quas dicere possis *Occasionales*. Inter eas sunt,

1. *Tempestates* subterraneæ; in metalli enim aliisque fodiinis vapores sulphuris particulis metallicis mixti haud infrequenter inveniuntur. Hi, accenso lumine inflammati, tonitrua excitant subterranea vehementia, ut de meaculorum, quæ metallarii summo studio & opera effoderunt, latera protinus eversa corruant. Tantam quoque sulphuris copiam continent isti vapores, ut, qui fodinam interdum, horum habitaculum, intrat, subito suffocatus mortem oppretat. Referri eo quoque potest 2) *Terra metallica* 101), qua nonnulli telluris tractus & montes sunt repleti; quia fere in omnibus metallis particulae reperiuntur sulphureæ. 3) Constat etiam, in insulis in *Mari*, vel aliis regionibus prope illud sitis, terræ motus multo graviores esse & frequentiores.

99) *Unzers kl. Schr.* p. 405. 100) Originem montium igne ardentium, eorumque cum terræ motibus connexionem prolixe explicatam vid. *ibid.* 7. & 8. br.

101) *Samml. aller R. B.* IX. B. p. 260.

res 102), (v. c. in Portugallia, Hispania, Italia, Sicilia, Peru, &c.) quam in aliis regnis ac provinciis. Et in promtu quidem ratio esse videtur. Nempe ad maris littus ignis vel vapores faciliorem, quam in terra solida, exitum inveniunt; & aqua ignem facilissime recipit. 103) 4) *Pluviae ingentes & tempestates coelestes* non minus hic pertinent. Pluvia enim tellurem efficit molliorem, adeoque vaporibus & igni electrico ad exeundum promptiorem, & ignem quodammodo ex terra elicit. In coelestibus quoque tempestatibus materia electrica varia ratione connexa esse potest cum ea, quæ in terra inclusa est, eamque ad efficiendas terræ concussions excitare. Exempla enim ostendunt, pluvias & tempestates coelestes plerumque præcedere ipsos terræ motus. 104) 5) Verosimilis etiam est mediata *Corporum caelestium attractio*, in terræ motus agens. De influxu a) *Lunæ* in terram, exemplum prostat certissimum, fluxus & refluxus maris. Terræ concussions vero accident plerumque vel in plenilunio vel novilunio 105); & *Limæ*, quæ multis motibus obnoxia est, semper in medio vel fluxu vel refluxu sentiuntur 106). b) *Solis* quoque, ob ejus vim attractivam & gravitationem in terram, rationem habendam esse, exinde patet, quod pars fluxus & refluxus maris ab actione solis pendeat, & quod terræ motus prope æquatorem 107) vehementiores sapienter iterentur, quam in regionibus, quæ polis sunt propiores 108). Cui rationi adhuc alia accedit, quia tellus prope æquatorem magis calefit, adeoque & materia in ea, terræ motus producens, facilius incendi, & ignis eleætr. subterraneus a radiis solaribus fortius excitari potest, quam in tractibus borealibus vel australibus. Præterea observatum est, terræ concussions sapienter contingere vel veris vel autumni tempore 109); quod iterum probat, solem aliquantum ad terræ motus mediate conferre aliquid posse. *Cometarum*, 110) *Acronychii Martis, conjunctionis planetarum heliocentricæ* 111) &c. actiones in terram adeo sunt exiguae, saltem non satis perspicuae, ut in terræ concussionum caussis computandæ vix veniant. Et hæc de præcipuis cauissis occasionalibus.

## § 25.

- 102) *Id. XV. B.* p. 468. *Unzers S. kl. Schr. II. Th.* p. 197. *A. Hamb. Mag. XIX. B.* p. 12. *Krügers Phys.* p. 31. *Plinius sec. L. II. c. 80.* 103) Demonstrat id Experimentum Muschenbroekianum satis jam notum. 104) *Hist. alter R. B. IX. B.* p. 215. *XI. B.* p. 475. & 426. *XV. B.* p. 108. *A. Hamb. Mag. XIX. B.* p. 16. *Götting. Samml. und Reisen. III. Th.* p. 109--106. &c. 105) *Unzer p. 401.* 106) *Hist. alter R. B. IX. B.* p. 415. 107) v. c. in tota Africa, Peru, Italia, &c. 108) *A. Hamb. Mag. XIX. B.* p. 10. 109) *Schwed. Abh. X. B.* p. 115, *XV. B.* p. 69; *Plinius sec. L. II. c. 80. &c.* 110) *Unzers kl. Schr. p. 396.* 111) *Baglivi Opp. p. 539.*

Remedia, quibus tristissimæ a terræ motibus oriundæ devastations paululum cohiberi possunt, exigua sunt eaque paucissima. Contra devorationem & demersionem in terram universorum telluris tractuum & urbium, nullum, nisi divinum superesse auxilium, facillime perspicitur. Remedia vero, quæ ædificiis in provinciis, multis terræ motibus vexari solitis, ne in terræ pulibus subito corruant, adhiberi possint, hæc fere esse existimantur: 1. Demissa potius, quam alta ædificantur 112); 2. nec firma & fixa plus justo sint, sed ex ligno potissimum constructa 113); 3. nec profunda illis subjiciantur fundamenta 114); 4. longioribus intervallis sint separata 115), (tunc nec incendia tanta inferre poterunt damna, quamvis ex ligno quoad maximam partem sint confecta); 5. declivia paullulum 116); 6) Longitudo ædificii vel civitatis directa sit secundum plagam contrariam illi, quam terræ concussionses in ista regione sequi solent 117). Si enim ædificia tantum a latere impelluntur, non eque facile corruunt; 7) ædificiis terræ glutinosa vel spongiosa, si adsit, impositis, a terræ motibus minus periculi imminet 118). Hæc præcipua remedia esse judicantur artificialia, quæ non relinquenda fuere proffus intacta, naturalia vero, crebri in terra hiatus, ventique vapores sulphureos propellentes, absque dubio multas sœpe regionum urbiumque devastationes impediverunt.

Feci, heic enim pedem jam figo, virium profectuumque meorum qualunque periculum. Quæ condonare æqui & benigni rerum arbitri inexcitatis & discendi cupidis tironibus solent, ea & mihi condonatum iri, spero.

112) Unzers kl. Schr. II. Th. p. 408. Baumgartens Gesch. von America II. Th. p. 373. Hinc consuetudo, ædificia duorum tantum tabulatorum construendi, nostro ævo adamata, omnino est laudanda. 113) Hist. alter R. B. IX. B. p. 431. 114) Ibid. 115) Sic una domus terræ motu corruens proximam non labefactat. 116) Plinius H. N. L II. c. 82. 117) Samml. alter R. B. XII. B. p. 588. Schwed. Abh. XV. B. p. 69. A. Hamb. Mag. V. B. p. 616. Plurimorum terræ motuum in terræ tractibus sequi viam a SW ad NO & reciproce, in uno quidem vel magis, vel minus, ad hanc vel istam plagam inclinantem, dudum jam obseruatum est.

118) Unzers Samml. kl. phys. Schr. II. B. p. 407.

NOBILISSIMO ET DOCTISS. DNO AVCTORI. PRÆSES.

Acute scripta est TVA Dissertatio de Terræ motibus, in qua ego nihil mutandum, nihil corrigendum inveni, gratulor igitur ex animo TIBI hoc egregium eruditioñis TVÆ specimen. Studium Physics & Matheos TIBI semper mirum in modum placuit, in quo etiam profetus fecisti plane insignes, & TE ad has scientias excollendas & ornandas natum esse, mihi multis variis modis demonstrasti. Perge igitur hac via ulterius, rimare Opera Natura & Reverendissimi Parentis TVI, Cancellarii nostræ Vniversitatis Meritissimi, & Bonorum omnium largissimam de TE conceptam spem comple; & in posterum TVIS studiis inservienti præbe mihi sœpius occasionem suavissimam. Ita fave mihi & vale.